



Ciorclán 0020/2018

**Chuig: Príomhfheidhmeannaigh na mBord Oideachais agus Oiliúna**

**ATHBHREITHNIÚ AR THUARASTAIL I dTACA LE BAILL FOIRNE ÁIRITHE (SEACHAS MÚINTEOIRÍ AGUS CÚNTÓIRÍ RIACHTANAS SPEISIALTA) ATÁ FOSTAITHE AG BOOnna LE hÉIFEACHT ÓN 1 AIBREÁN 2018**

Is mian leis an Aire Oideachais agus Scileanna údaráis bhainistíochta a chur ar an eolas faoi fheidmiú na rátaí athbhreithnithe tuarastail, le héifeacht ón 1 Aibreán 2018, le haghaidh baill foirne áirithe seachas Múinteoirí agus Cúntóirí Riachtanas Speisialta atá fostaithe ag BOOnna.

Tugadh na rátaí athbhreithnithe tuarastail isteach mar thoradh ar Chomhaontú Cobhsaíochta na Seirbhíse Poiblí 2013–2020 (Comhaontú Bhóthar Haddington/Comhaontú Bhóthar Lansdún) agus an tAcht um Pá agus Pinsin Seirbhíse Poiblí, 2017.

**Cealú na Laghdaithe Pá faoin Acht um Bearta Airgeadais Éigeandála ar mhaithe le Leas an Phobail, 2013, dóibh siúd a thuilleann os cionn €110,000 sa bhliain, le héifeacht ón 1 Aibreán 2018**

I gcás seirbhíseach poiblí a fhaigheann luach saothair bliantúlaithe os cionn €110,000 faoi láthair agus ar laghdáidh a thuarastal faoi théarmaí Chomhaontú Bhóthar Haddington/an Achta um Bearta Airgeadais Éigeandála ar Mhaithe le Leas an Phobail, 2013, cealaíodh aon tríú den laghdú ar thuarastal an tseirbhísigh le héifeacht ón 1 Aibreán 2017, cealófar tríú eile le héifeacht ón 1 Aibreán 2018, agus cealófar an tríú deiridh le héifeacht ón 1 Aibreán 2019. Eiseofar treoracha maidir leis an gcéim dheireanach de thabhairt ar ais an phá in am trátha, níos cóngaraí don dáta cuí feidhmithe.

Cealófar an dara tríú den laghdú ar thuarastail le héifeacht ón 1 Aibreán 2018.

**Feidhmiú an chealaithe i leith tuarastail atá os cionn €110,000 ar an 1 Aibreán 2018**

Agus an méadú don chatagóir seo á áireamh, ba chóir na céimeanna seo a leanas a fheidhmiú:

1. Deimhnigh an tuarastal a bhí ag an té roimh Chomhaontú Bhóthar Haddington (is é sin an tuarastal mar a bhí sé roimh an gciorrú ar an 1 Iúil 2013 – sa chuid is mó de chásanna, is é seo an tuarastal a bhí i bhfeidhm ón 1 Eanáir 2010);
2. Deimhnigh an tuarastal a bhí ag an té tar éis Chomhaontú Bhóthar Haddington (is é sin an tuarastal tar éis an chiorraithe ar an 1 Iúil 2013);
3. Dealaigh an tuarastal laghdaithe tar éis an Chomhaontaithe ón tuarastal roimh an gComhaontú chun méid foriomlán an laghdaithe a dheimhniú;
4. Áirigh aon tríú de mhéid an laghdaithe;
5. Suimigh an méid arna ríomh le luach an tuarastail ar an 1 Eanáir 2018.

Chun amhras a sheachaint, is **méid seasta** é an 't-aon tríú de mhéid an laghdaithe' agus is ionann é agus an méid a tugadh ar ais ar an 1 Aibreán 2017.

### **Scálaí tuarastail leasaithe**

Tá na scálaí tuarastail leasaithe i leith gráid éagsúla san áireamh in Aguisín 1 den Chiorclán seo.

Le héifeacht ón 1 Eanáir 2018, tháinig téarmaí an Chiorcláin seo in ionad na scálaí tuarastail uile a bhí iníoctha leis an bhfoireann atá i gceist, mar a bhí leagtha amach i gCiorcláin a bhí ann cheana.

### **Srianta Feabhsaithe maidir le Téarmaí agus Coinníollacha Fostaíochta a Aontaíodh le héifeacht ón 30 Samhain 2015**

Meabhraítear d'fhostóirí go bhfuil leasú déanta ar Acht na nAirí agus na Rúnaithe (Leasú), 2011 faoin Acht um Bearta Airgeadais Éigeandála ar mhaithe le Leas an Phobail, 2013, chun srianta feabhsaithe a thabhairt isteach maidir le téarmaí agus coinníollacha fostaíochta a aontaíodh le seirbhísigh phoiblí agus lena bhfostóirí comhlachta seirbhíse poiblí le héifeacht ón 30 Samhain 2015. Tá na codanna ábhartha den Acht le fáil in Aguisín 2.

### **Dáileadh agus Fiosruithe**

Déan deimhin de go gcuirtear cóipeanna den Chiorclán seo ar fáil do bhaill uile an Bhoird Bainistíochta/an Bhoird Oideachais agus Oiliúna agus go ndírítear aird na foirne lena mbaineann sé agus atá fostaithe agat, iad siúd atá ar bhriseadh ón obair san áireamh, ar a bhfuil sa Chiorclán.

Is féidir rochtain a fháil ar an gCiorclán seo ar láithreán gréasáin na Roinne faoi [www.education.ie](http://www.education.ie)

Ba chóir fiosruithe faoin gCiorclán seo a chur tríd an ríomhphost chuig [financialetb@education.gov.ie](mailto:financialetb@education.gov.ie)

Jill Fannin  
Príomhoifigeach Gníomhach  
Airgeadas BOO/Pearsanra Riaracháin

Philip Crosby  
Príomhoifigeach  
Caidreamh Foirne Seachtrach

An 26 Márta 2018

## Aquisín 1

### Scálaí Pá do Phríomhfheidhmeannaigh BOOnna (CATAGÓIRÍ I go IV)

Catagóir I	1/4/18
	€108,243
	€111,814
	€115,375
	€117,181
	€121,333
	€124,838
	€128,357

Catagóir II	1/4/18
	€103,242
	€106,644
	€110,024
	€114,058
	€118,072
	€118,939
	€122,254

Catagóir III	1/4/18
	€92,682
	€96,002
	€99,324
	€102,662
	€105,986
	€109,308
	€112,633
	€115,957

Catagóir IV	1/4/18
	€90,303
	€93,773
	€97,237
	€100,712
	€104,170
	€107,651
	€111,081

TUARASTAL ATHBHREITHNITHE LE hAGHAIDH PF BOO  
 Chathair Bhaile Átha Cliath  
 (AGUISÍN II DON TUARASCÁIL CHOMHAONTAITHE 1/98)

P.F. BOOCBÁC	P.F. BOOCB 1/4/18 NEAMH-RPP	P.F. BOOCB 1/4/18 RPP
	€ 119,855	€ 126,129
	€ 125,177	€ 131,831
	€ 131,142	€ 138,009
	€ 137,011	€ 144,187

## **Aquisín 2**

### **Alt 12 den Acht um Bearta Éigeandála Airgeadais ar mhaithe le Leas an Phobail, 2015**

#### **Leasú ar an Acht Airí agus Rúnaithe (Leasú), 2011**

Déantar an tAcht Airí agus Rúnaithe (Leasú), 2011 a leasú ach an t-alt seo a leanas a chur isteach tar éis alt 16:

#### **“Smacht ar théarmaí agus ar choinníollacha na seirbhíseach poiblí**

**16A.** (1) Sna cásanna seo a leanas—

(a) tá téarma nó coinníoll ceadaithe ag an Aire mar théarma nó coinníoll le bheith curtha i bhfeidhm don am i láthair maidir le fostaíocht aicme nó catagóir seirbhísigh poiblí (bíodh sé gur ceadú atá le faomhadh atá ann, cinéalcheadú ar bith eile nó cead an Aire ar chinneadh duine eile san ábhar a dhéanamh), agus

(b) conradh fostaíochta a thugtar do sheirbhíseach poiblí laistigh den aicme nó catagóir sin a bhfuil téarma nó coinníoll istigh ann atá ag teacht leis nó atá mar an gcéanna leis an téarma nó coinníoll bunaithe atá ceadaithe ach atá níos buntáistí don seirbhíseach poiblí ná an téarma nó an coinníoll sin,

beidh an conradh i bhfeidhm mar a bheadh an téarma nó coinníoll bunaithe atá ceadaithe (a bhfuil tagairt déanta air faoi fho-ailt (2) agus (3) mar ‘téarma nó coinníoll ceadaithe’) in ionad an téarma nó coinníoll céadluaite in alt (b) (a bhfuil tagairt déanta air faoi fho-ailt (2) agus (3) mar ‘téarma nó coinníoll neamhceadaithe’).

(2) Déanfar neamhaird ar mhéid ar bith íoctha chuig an seirbhíseach poiblí i gceist atá ceaptha a bheith ag cloí leis an téarma nó coinníoll neamhceadaithe atá níos mó ná an méid iníoctha chuig an seirbhíseach poiblí faoin téarma nó coinníoll ceadaithe chun críocha teidlíocht pinsin ar bith a áireamh  
(teidlíocht chnapshuime agus teidlíocht íocaíochtaí tráthrialta de phinsean san áireamh) don seirbhíseach poiblí sin.

3) Sa chás a n-íoctar méid chuig an seirbhíseach poiblí i gceist atá ceaptha a bheith ag cloí leis an téarma nó coinníoll neamhceadaithe atá níos mó ná an méid iníoctha chuig an seirbhíseach poiblí faoin téarma nó coinníoll ceadaithe, mar sin—

(a) coinneoidh an seirbhíseach poiblí an ró-íocaíocht ar iontaobhas don chomhlacht seirbhíseach poiblí, agus

(b) gheobhaidh an comhlacht seirbhíseach poiblí méid na ró-íocaíochta ar ais ón seirbhíseach poiblí go díreach nó trí asbhaint den luach saothair iníoctha don seirbhíseach poiblí sin ina dhiaidh sin nó ar bhealach ar bith eile.

(4) Sa chás—

a) a dhéantar conradh fostaíochta maidir leis an seirbhíseach poiblí, agus

(b) ina bhfuil téarma nó coinníoll sa chonradh maidir le luach saothair nach bhfuil ag teacht leis nó nach bhfuil mar an gcéanna le téarma nó coinníoll ar bith bunaithe atá ceadaithe ag

an Aire maidir le fostaíocht aicme nó catagóir sheirbhísigh poiblí ina gcuirtear an seirbhíseach poiblí céad luaite (bíodh sé gur ceadú atá le faomhadh atá ann, cinéalcheadú ar bith eile nó cead an Aire ar chinneadh duine eile san ábhar), agus beidh an téarma nó coinníoll curtha ar neamhní.

(5) Déanfar neamhaird ar mhéid ar bith íoctha chuig an seirbhíseach poiblí i gceist atá ceaptha a bheith ag cloí le téarma nó coinníoll curtha ar neamhní faoi fho-alt (4) chun críocha teidlíocht pinsin a áireamh (teidlíocht chnapshuime agus teidlíocht íocaíochtaí tráthrialta de phinsean san áireamh) don seirbhíseach poiblí sin.

(6) Sa chás a n-íoctar méid chuig an seirbhíseach poiblí i gceist atá ceaptha a bheith ag cloí le téarma nó coinníoll curtha ar neamhní faoi fho-alt (4), mar sin—

(a) coinneoidh an seirbhíseach poiblí an ró-íocaíocht ar iontaobhas don chomhlacht seirbhíse poiblí, agus

(b) gheobhaidh an comhlacht seirbhíse poiblí an méid ar ais ón seirbhíseach poiblí go díreach nó trí asbhaint den luach saothair iníoctha don seirbhíseach poiblí sin ina dhiaidh sin nó ar bhealach ar bith eile.

(7) Ní ghlacfar le fo-ailt (3) agus (6) mar theorainn ar dhliteanas faoi reacht duine ar bith mar mhíniú ar a leithéid de ró-íocaíocht.

(8) Sa chás nach bhfaightear méid a bhaineann le fo-alt (3) nó (6) ar ais ag an gcomhlacht seirbhíse poiblí lena mbaineann sé, d'fheadfadh an tAire ordú a thabhairt don chomhlacht sin an méid a fháil ar ais, roimh dháta sonraithe, i gcomhréir le fo-alt (3)(b) nó (6)(b), de réir mar is cuí, agus, mura n-éiríonn leis an gcomhlacht an méid a fháil ar ais, d'fheadfadh an tAire an méid a asbhaint de dheontas nó vótáil, nó íocaíocht ar bith den chomhlacht sin amach as airgead tugtha go díreach nó go hindíreach ag an Oireachtas nó ón Lárchiste nó toradh an chiste sin.

(9) Baineann an t-alt seo le téarma nó coinníoll aontaithe i ndiaidh tús a chur le *halt 12* den *Acht um Bearta Airgeadais Éigeandála ar mhaithe le Leas an Phobail, 2015*.

(10) Tá an t-alt seo i bhfeidhm in ainneoin—

(a) achtachán ar bith eile,

(b) scéim pinsin nó socrú ar bith eile,

(c) comhaontú nó socrú conartha ar bith eile, nó

(d) tuiscint, ionchas, ciorclán nó ionstraim ar bith nó cáipéis eile.

(11) San alt seo—

Is ionann “seirbhíseach poiblí” agus duine atá fostaithe ag, nó a choinníonn oifig nó ról eile i gcomhlacht de chuid na seirbhíse poiblí;

Is ionann “luach saothair” agus díolaíochtaí a bhaineann le nó atá bainteach le Caibidil 4 de Chuid 42 den Acht Comhdhlúite Cánacha, 1997.